

სატენდერო კომისიის სხდომის ოქმი №1

29 ნოემბერი 2023 წ.

ქ. თბილისი

საქართველოს უზენაესი სასამართლოსთვის მსუბუქი ავტომანქანების შესასყიდად უზენაესი სასამართლოს თავმჯდომარის ნინო ქადაგიძის 05.10.2020 წლის №20-ს §-1 ბრძანებით შექმნილია მუდმივმოქმედი სატენდერო კომისია და მისი აპარატი ელექტრონული ტენდერის ჩასატარებლად შემდეგი შემადგენლობით:

სატენდერო კომისია:

აკაკი მაისურაძე - კომისიის თავმჯდომარე
სასამართლოს მენეჯერი.

ირაკლი გოცირიძე - კომისიის წევრი
ფინანსების მართვისა და ლოჯისტიკის ცენტრის უფროსი.

გულიკო ორთოიძე - კომისიის წევრი
პლენუმისა და დიდი პალატის სამდივნოს უფროსი.

გიორგი გეგელია - კომისიის წევრი
ადმინისტრაციულ საქმეთა პალატის სამდივნოს უფროსი.

შორენა კობახიძე - კომისიის წევრი
ადამიანური რესურსების მართვისა და განვითარების განყოფილების უფროსი.

ქეთევან კაკაურიძე - კომისიის წევრი
ფინანსების მართვისა და ლოჯისტიკის ცენტრის მთავარი ბუღალტერი.

გიორგი ყიფიანი - კომისიის წევრი
ინფორმაციული ტექნოლოგიების განყოფილების მთავარი კონსულტანტი.

კომისიის აპარატი:

თემურ უშვერიძე

ფინანსების მართვისა და ლოჯისტიკის ცენტრის მთავარი კონსულტანტი სახელმწიფო შესყიდვების საკითხებში.

მიხეილ ღვინიაშვილი

ფინანსების მართვისა და ლოჯისტიკის ცენტრის მთავარი კონსულტანტი სახელმწიფო შესყიდვების საკითხებში.

სხდომას არ ესწრებიან სატენდერო კომისიის წევრი ქეთევან კაკაურიძე და აპარატის წევრი მიხეილ ღვინიაშვილი.

განხილვის საკითხი: უზენაესი სასამართლოსთვის 3 (სამი) ერთეული მსუბუქი ავტომანქანის შესასყიდად (CPV34100000) სატენდერო დოკუმენტაციისა და სატენდერო განცხადების ტექსტის დამტკიცება და ტენდერის ჩატარების შესახებ სატენდერო განცხადების გამოქვეყნება სახელმწიფო შესყიდვების ერთიან ელექტრონულ სისტემაში.

სატენდერო კომისიამ მოისმინა: კომისიის წევრის ირაკლი გოცირიძის მოხსენება იმის თაობაზე, რომ უზენაესი სასამართლოს მოსამართლეები სარგებლობენ სასამართლოს ბალანსზე რიცხული განპიროვნებული ავტოსატრანსპორტო საშუალებებით. ნაწილი ავტომანქანებისა ხშირად გამოდის მწყობრიდან და მათზე გაწეული სარემონტო ხარჯები იწვევს საბიუჯეტო სახსრების არარაციონალურ ხარჯვას. მოსამართლეების უსაფრთხო გადაადგილების უზრუნველსაყოფად, ასევე, მათ მიერ სამსახურებრივი უფლებამოსილების ჯეროვნად განხორციელების მიზნით, აუცილებელია ავტომანქანების ახლით ჩანაცვლება. მისივე განმარტებით, ამ ეტაპზე დაგეგმილია 3 (სამი) ერთეული მსუბუქი ავტომანქანის შესყიდვა ელექტრონული ტენდერის საშუალებით.

აპარატის წევრმა თემურ უშვერიძემ კომისიას განსახილველად გადასცა განცხადების ტექსტი, სატენდერო დოკუმენტაციის პროექტი და აღნიშნა, რომ 3 (სამი) ერთეული მსუბუქი ავტომანქანის შესყიდვასთან დაკავშირებით ჩატარებული ბაზრის კვლევის შედეგების მიხედვით, სადაც, მონაწილეობა მიიღო ოთხმა პრეტენდენტმა, შესყიდვის მინიმალური სავარაუდო ღირებულება დღგ-ს ჩათვლით და ფლობის ღირებულების გათვალისწინებით შეადგენს 224 880.00 (ორას ოცდაოთხი ათას რვაას ოთხმოცი) ლარს, მათ შორის - ერთი ავტომანქანის ღირებულებაა 60 750,00 ლარი, 150 000 კ/მეტრზე გეგმიური მომსახურების ღირებულება შეადგენს 3 710,00 ლარს, ხოლო, 150 000 კ/მეტრზე საწვავის სავარაუდო ღირებულებაა 10 500,00 ლარი.

ზ/აღნიშნული შესყიდვა შეთანხმდა სახელმწიფო შესყიდვების სააგენტოსთან და „სახელმწიფო შესყიდვებთან დაკავშირებით გასატარებელი ზოგიერთი ღონისძიების შესახებ“ საქართველოს მთავრობის 2022 წლის 30 დეკემბრის №612 დადგენილების თანახმად, შესყიდვის განხორციელების დაწყებამდე, შესყიდვის ობიექტის შესახებ მთავრობის ადმინისტრაციაში 2023 წლის 14 ნოემბერს გაგზავნილი №ნ/116-23 წერილისა და მთავრობის ადმინისტრაციის მიერ ამავე წლის 21 ნოემბერს მოწერილი პასუხის თანახმად, მთავრობის ადმინისტრაციის სახელმწიფო შესყიდვების სამსახურს CPV34100000 კლასიფიკატორის კოდზე დღგ-ს ჩათვლით 224 880.00 ლარის ღირებულების ელექტრონული ტენდერის გამოცხადებასთან დაკავშირებით შენიშვნები და რეკომენდაციები არ გააჩნია. ამასთან, საქონლის მოწოდება უნდა განხორციელდეს ხელშეკრულების გაფორმებიდან არაუმეტეს 180 (ასოთხმოცი) კალენდარული დღის განმავლობაში.

კომისიამ იმსჯელა სატენდერო დოკუმენტაციისა და სატენდერო განცხადების ტექსტის თაობაზე და დაადგინა:

1. „სახელმწიფო შესყიდვების სააგენტოს“ თავმჯდომარის 2017 წლის 14 ივნისის №12 ბრძანების მე-15 მუხლის თანახმად, დამტკიცებულ იქნეს სატენდერო დოკუმენტაცია და განცხადება ტენდერის ჩატარების შესახებ.
2. „სახელმწიფო შესყიდვების შესახებ“ საქართველოს კანონის მე-15¹ მუხლის მე-3 პუნქტის ბ) ქვეპუნქტისა და „სახელმწიფო შესყიდვების სააგენტოს“ თავმჯდომარის 2017 წლის 14 ივნისის №12 ბრძანების 39-ე მუხლის თანახმად, გამოცხადდეს ელექტრონული ტენდერი ფლობის ღირებულების გათვალისწინებით 224 880.00 ლარზე, ელექტრონული ვაჭრობის დაფარული მონაცემებით, დამატებითი რაუნდების გარეშე (NAT).

3. სატენდერო წინადადების შეთავაზების ფასის კლების ბიჯი განისაზღვროს 2 000.00 ლარის ოდენობით.

4. დაევალოს სატენდერო კომისიის აპარატს განცხადება და სატენდერო დოკუმენტაცია დადგენილი წესით ატვირთოს სახელმწიფო შესყიდვების ერთიან ელექტრონულ სისტემაში.

კომისიის თავმჯდომარე:



აკაკი მაისურაძე

კომისიის წევრები:



ირაკლი გოცირიძე



გულიკო ორთოიძე



გიორგი გეგელია



შორენა კობახიძე



გიორგი ყიფიანი

აპარატის წევრი:



თემურ უშვერიძე